



UNIVERSITÄTS-
BIBLIOTHEK
PADERBORN

Universitätsbibliothek Paderborn

**In Canonem Sacrificii Missae, Vti & reliquas eiusdem
Partes Brevis Ac Lvcvlenta, & ad pietatem vtilis Expositio**

Veken, Frans van der

Coloniae, 1644

§ 2. De tribus sequentibus orationibus

urn:nbn:de:hbz:466:1-9878

terra, tam nostro, quam totius Ecclesiæ
nomine supplices dicamus: *Dona nobis
pacem.*

§. II.

De tribus sequentibus Orationibus.

IN prima pergit Sacerdos instare pro Ecclesiæ pace. Nec mirum quod unâ alterâve pacis imploratione non contentus, eam toties repetat: id enim fit ob præstantiam Pacis, quæ, ut vidi-
mus c. 3. §. 2. omnia bona in se comple-
ctitur, ideoq; post Dei gloriam non hu-
ius solûmodo Sacrificij, sed ipsius etiam
Incarnationis, omniumq; præteritorū
Christi laborum ac passionū finis prin-
cipalis extitit, sicuti ex Angelorum Can-
tico, c. 5. §. 5. notabamus. Accedit quod
tantū hospitem excepturi, haud imme-
rito de eius loco solliciti sæpius simus:
teste autem Scripturâ a, factus est in pa-
ce locus eius, & alibi b, *Pacem habete, &
Deus pacis & dilectionis erit vobiscum.*

I

Se-

a *Psal. 75.* b *2. Cor. 13. 1. d. 12. 2.*

Sequitur oratio pro remissione peccatorum & dono perseverantiae, quo Christus faciat nos suis semper inhereri mandatis, & a se nunquam separari permettat. Id enim, ut definit Tridentinū, aliunde haberi non potest, nisi ab eo qui potens est, eum qui stat, statuere, ut perseveranter stet; & eum qui cadit, restituere. Et quamvis magnum illud donum, quod cum datum semel fuerit, amitti non potest, infallibiliter obtinendum absolutā certitudine polliceri nūquam nobis possimus: supplicibus tamen precibus, ut Augustinus testatur b, emereri illud à Deo possumus: utq; prosequitur Tridentinum, in diuino auxilio spem semper firmissimam collocare.

Cum in tertia oratione, quam pro integrâ mentis & corporis salute per huius Sacramenti sumptionem consequendâ fundimus, nihil peculiare exponendum occurrat: illud in priori haud sine animaduersione prætereundum

a Sess. 6. c. 13. b Aug. de bono pers. c. 6.

dum videtur, quod, ut à peccatis, eorumq; pœnis liberemur, Christum obtestemur per hoc sacrosanctum Corpus & Sanguinem suum, ipsum lytro^a ac premium nostræ redēptionis ante oculos ponentes. Quo nihil efficacius ad eius misericordiam inclinandum. Amat utique, quos tanto pretio redemit, ijsque, quos sic amat, suam deesse misericordiam non sinit. Legimus a mancipium quoddam ob sua scelera laqueo addictum, fuisse à Radziuilio liberatum, quod olim centum aureis illud redemisset: quid non speremus à Saluatore nostro, qui non corruptibilibus auro & argento nos redemit b, sed pretiosissimo Sanguine suo?

a In Hieros. peregr. Mense Sept.

b 1. Pet. 1.